

Na osnovu člana 16. stav 1. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 20a. stav (4) Zakona o radu („Službene novine Federacije BiH“, broj: 26/16 i 89/18) i Odluke o proglašenju stanja nesreće uzrokovno pojavom koronavirusa (COVID 19) na području Federaciji Bosne i Hercegovine, broj: 408/2020 od 16.03.2020. godine, Vlada Zeničko-dobojskog kantona, na 49. sjednici, održanoj dana 24.03.2020. godine, d o n o s i

UREDBA
O DOPUNI UREDBE
O POSTUPKU PRIJEMA U RADNI ODNOS U JAVNOM SEKTORU
U ZENIČKO-DOBOJSKOM KANTONU

Član 1.

(Dopuna člana 7.)

U Uredbi o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskoga kantona“, broj: 8/19), u članu 7. stav (1) iza tačke b) dodaje se tačka c) koja glasi:“ prijema u radni odnos u zdravstvenim ustanovama na području Zeničko-dobojskog kantona, i to: JU Kantonalna bolnica Zenica, JU Opća bolnica Tešanj, Zavod zdravstvenog osiguranja Zeničko-dobojskog kantona, JU Institut za zdravlje i sigurnost hrane Zenica, JU Zavod za medicinu rada i sportsku medicinu Zeničko-dobojskog kantona, JU Zavod za bolesti ovisnosti Zeničko-dobojskog kantona, JU poliklinika sa dnevnim bolnicom Doboj Jug i svim domovima zdravlja na području Zeničko-dobojskog kantona, za vrijeme dok je na snazi Odluka o proglašenju nesreće stanja nesreće uzrokovno pojavom koronavirusa (COVID 19) na području Federaciji Bosne i Hercegovine“.

Član 2.

(Stupanje na snagu)

Ova uredba stupa na snagu danom donošenja i bit će objavljena u “Službenim novinama Zeničko-dobojskog kantona”.

PREMIJER

Mirza Ganić

Broj: 02-02-4692/20

Datum, 24.03.2020. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,
1x Svim ministarstvima i drugim tijelima kantonalne uprave,
1x web stranica Zeničko-dobojskog kantona,
1x „Službene novine Zeničko-dobojskog kantona“,
1x a/a.

OBRAZLOŽENJE

za donošenje Uredbe o dopuni Uredbe o postupku prijema u radni odnos u javnom sektoru u Zeničko - dobojskom kantonu

I – PRAVNI OSNOV ZA DONOŠENJE UREDBE

Pravi osnov za donošenje Uredbe o dopuni Uredbe o postupku prijema u radni odnos u javnom sektoru u Zeničko-dobojskom kantonu sadržano je u odredbi člana 16. stav (1) Zakona o Vladi Zeničko-dobojskog kantona - Prečišćeni tekst („Službene novine Zeničko - dobojskog kantona“, broj 7/10), dok je zakonski osnov za donošenje iste sadržan u odredbi člana 20a. stav (4) Zakona o radu („Službene novine Federacije BiH“, broj: 26/16 i 89/18), kojom je propisano da će Vlade kantona u roku od 90 dana od dana stupanja na snagu ovog zakona, donijeti propis kojim će propisati postupak prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, gradova ili općina, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala i Odluci o proglašenju stanja nesreće uzrokovno pojavom koronavirusa (COVID 19) na području Federaciji Bosne i Hercegovine broj: 408/2020 od 16.03.2020. godine.

II - RAZLOZI ZA DONOŠENJE UREDBE

Vlada Federacije Bosne i Hercegovine je na 214. sjednici održanoj 16.03.2020. godine donijela Odluku o proglašenju stanja nesreće uzrokovno pojavom koronavirusa (COVID 19) na području Federaciji Bosne i Hercegovine broj: 408/2020 od 16.03.2020. godine. S obzirom na novonastalu situaciju, a s ciljem omogućavanja brzog zapošljavanja dodatnih zdravstvenih radnika u zdravstvenim ustanovama na području Zeničko-dobojskog kantona bilo je nužno pristupiti dopuni Uredbe o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskoga kantona“, broj: 8/19) na način da se kao izuzetak od obaveze javnog oglašavanja, privremeno dok je na snazi predmetna Odluka Vlade Federacije Bosne i Hercegovine, doda i prijem u radni odnos u zdravstvenim ustanovama na području Zeničko-dobojskog kantona.

III - OBRAZLOŽENJE PREDLOŽENIH PRAVNIH RJEŠENJA

Imajući u vidu navedene zakonske odredbe predložena je dopuna člana 7. stav (1) Uredbe o postupku prijema u radni odnos u javnom sektoru u Zeničko-dobojskom kantonu na način da se doda nova tačka c) u kojoj je kao dodatni izuzetak od obaveza javnog oglašavanja predviđen prijem u radni odnos u zdravstvenim ustanovama na području Zeničko-dobojskog kantona, privremeno dok je na snazi Odluka o proglašenju stanja nesreće uzrokovno pojavom koronavirusa (COVID 19) na području Federaciji Bosne i Hercegovine.

IV – FINANSIJSKA SREDSTAVA POTREBNA ZA PROVOĐENJE UREDBE

Za provođenje ove uredbe neće biti potrebna dodatna finansijska sredstva iz Budžeta Zeničko-dobojskog kantona.